

## 2 Yohane

*Ewa hia ac.*

<sup>1</sup> Qeria galeŋ neŋ Miŋ Kewuac gésimimia embac neŋgia zéma iwac nambérac héra ionac kiwi yomi o énécmizua. Neŋ Ackuazéc héla imuac qeriaiguc goi héihéi waŋ énécmianzua, waŋu neŋ sac qahac ackuazéc héla ninzu séc imuhuc goi héihéi waŋ énécmianzu.

<sup>2</sup> Imi mia neŋaŋ qerininaiguc hema neŋaŋguc tetcgia qahac heaŋzac ackuazéc imuac niŋac mia imuhuc waŋanziŋ.

<sup>3</sup> Ackuazéc héla zéma goi héihéi imuac qeriaiguc ewa hia zéma wésé niniŋ zéma luaenéŋ Maŋgocnina Anutu zéma iwac Naŋa Yesu Kristo iorarunec mama neŋaŋguc hemac.

*Ac héla zéma goi héihéi.*

<sup>4</sup> Guac nambérac hécga tosaraneŋ Kurumenŋ Maŋgocnéŋ nénézéyec séc ackuazéc héla imuac qeriaiguc keŋha waŋanzu imi inicma ségiségi yanda waŋanlua.

<sup>5</sup> Embac yanda, neŋ zéseli génzua, goi héihéi waŋamuwiŋ. Imi mia héna ac qeliawac ménda ogénzua, néŋ imi hénihénia igucnec késa kecanziŋ imuac mia ogénzua.

<sup>6</sup> Neŋaŋ iwac héna ac imi tohoma kecbiŋ iminéŋ mia goi héihéi wanzac. Iwac héna ac imi yomuhuc; Hénihénia igucnec niŋanlu séciguc goi héihéi waŋamumu.

<sup>7</sup> Ikoc ic sasalanéñ baec séc kemma keczu. Imi eneñ Yesu Kristonéñ baec ic héla wamma mayec imi qaecgéanzu. Wañu imuhucyanéñ ikoc ic zéma Kristoac hazéchéra wanzu.

<sup>8</sup> Imuac niñ ini galeñ meamumu, aininawac héla imi sohowac niñac. Ménda sohayu imuac bakia séciguc memu.

<sup>9</sup> Méñnéñ méñ ogicma walac kemma Kristonéñ ac ku énécmiyec imuac qeriaiguc ménda kecanczac iminéñ Anutuguc ménda kecanczac. Wañu méñnéñ méñ imuac qeriaiguc kecanczac iminéñ Mançoc zéma Naña iriguc keczac.

<sup>10</sup> Méñnéñ méñ pakeñ ac yomi ménda késama onac muru hayu amaginaiguc ménda hérémima yaizéze ac méñ ménda ézému.

<sup>11</sup> Méñnéñ méñ yaizézeğina zémac imi ic iminéñ ai biria imuac méra mimia ic wammac.

*Tetecgiawac yaizéze ac.*

<sup>12</sup> Ac tosara sasala omanac séc, néñ kiwiiguc kirifinéñ ménda oman zé wanzua. Imi mia ségiségi yandanéñ neñañ ewa qerinina kuaya qemac niñac ni nenaoc hama musuqeçe wamma énézéman zé wanzua.

<sup>13</sup> Anutuac gésimimia embac dacmunaga méñac nambérac héra ieneñ yaizézeğa zégénzu.

**SISIPAC AC QJELIA**  
**The New Testament and Psalms in the Kube Language**  
**of Papua New Guinea**  
**Buk Song na Nupela Testamen long tokples Kube long**  
**Niugini**

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

---

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665